


Bibiliya y' Abana
Ishikirije

Yesu atoranya
abigishwa cumi
na babiri



Yanditswe na: Edward Hughes

Amashusho ashirwamwo na:
Byron Unger; Lazarus; Alastair Paterson

Itunganywa na: E. Frischbutter; Sarah S.

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2022 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.



Yesu yakora ibintu vyiza cane. Yakiza abarwaye, agatanga amahoro mumitima y'abantu bahungabanyeye kandi yigisha ijambo ry'Imana.



Abantu beshi baraza kuri Yesu kugira ngo abafashe kandi abakize. Yesu ahitamwo gutoranya abantu cumi na babiri muri beshi bamukurikira kugira ngo bamufashe ico gikorwa c'Imana.





Iyo hari ingingo
ihambaye ugomba
gufata, woba uhora
ubanza gusenga Imana?
Nico Yesu yakoze!
Yesu yagiye k'umusozi
ahantu hatekanye
maze arasenga se wo
mw'ijuru. Yesu
arasenga kugeza
izuba rirenze.






Kandi Yesu
asenga ijoro
ryose.



Mugatondo, Yesu ahamagara abagenzi biwe.
Abari baramukurikiye bose, bamwumviye kandi
batamuhemukiye. Muri abo bagenzi biwe,
atoranyamwo cumi na babiri ngo
bamufashe canke
ngo babe
intumwa ziwe.



Babiri bambere Yesu yatoraniye bari abagabo babiri bavukana, Simoni na Andereya. Bari bahevye ubudandaji bw'ivyo barovye igihe Yesu yabahamagara akabasaba kumukurikira.



Yakobo na Yohana,
abahungu ba zebedayo,
nabo nyene bari baretse
insenga zabo zo kuroba.




Yesu atoranya na Filipo, Barutoromayo, Matayo na Tama, Simoni Zeloti, Yakobo umuhungu wa Alufayo, Yuda mwenewabo wa Yakobo na Yuda isikariyota uwahavuye agura Yesu.



Yesu abigisha ko
gukora ico abasaba
ari nko kwubaka
inzu k'urutare.
Ibihuhusi bikomeye
ntibizoshobora
kuyisambura.



Ariko kutumvira Yesu ni nko kwubaka inzu
k'umusenyi. Iyo igihuhusi kije, inzu ica isenyuka.



Amwe mumabwirizwa ya Yesu ntiyari yoroshe gukurikira. "Nihagira uwugukubita urushi, umuhindukirize n'uwundi musaya," Niko Yesu yababwiye. "Mukunde abansi banyu. Abantu barakeneye gufashwa n'Imana kugira ngo babeho nka Yesu."



Yesu yongera kubabwira
gusenga mumpisho.
Kutiyerekana imbere
y'abandi nk'uko bamwe
mubakuru b'idini
babikora.




Yesu avuga ko Imana
izogaburira kandi
izokwambika abayizera bose.
Nk'uko Imana igaburira inyoni kandi
igaha ubwiza amashurwe n'ivyatsi,
abantu bayo bayizeye ishobora
kubaha ivyo bakenera
vyose.



Uwo musu, Yesu yigisha
intumwa ziwe ibintu
vyishi. Ahejeje, haza
umunyamibembe asaba
Yesu ngo amukize.





Yesu yishura uwo
munyamibembe:
"Ndabishatse. Kira."
Intumwa ziwe zibiraba,
imibembe iva kuri
uwo mugwayi. Aca
arakira. Umwana
w'Imana wenyene niwe
ashobora gukora
ibitangaza nk'ivyo.
Intumwa zari

zizi ko zifise muri
Yesu Umwami
ahambaye.



Yesu atoranya abigishwa cumi na babiri
Inkuru ivuye mw'Ijambo ry'Imana, Bibiliya
tuyisanga muri

Matayo 4-7, Mariko 1, Luka 6

"Guhishurirwa amajambo yawe kuzana umuco,
guha abatungu ubwenge." Zaburi 119:130



Iherezo



Iyi nkuru ya bibiliya itubwira kuvyerekeye Imana yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni urupfu ariko Imana iragukunda cane yarungitse umwana wayo w'ikinege, Yesu, gupfa ku musalaba kugira ahanwe kubw, ivyaha vyawe. Hama Yesu asubira kubaho aca agenda I muhira mw'ijuru. Niwizera Yesu ukamusaba aguharire ivyaha vyawe, azobikora. Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:
Yesu mwiza, ndizera ko uri Imana, kandi wacitse umuntu ugapfa kubera ivyaha vyanje, hama ubu ukaba uri muzima. Rero ingo mu bugingo bwanje hama uharire ivyaha vyanje, kugira ngire ubugingo bushasha, hama umunsi umwe nze mbane na we ubugingo budashira. Mfasha kugira ndakwumvire kandi mbeho ku bwawe nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

